

中央檔案館整理

評點二十四史

第九卷 北齊書 周書 隋書

中國檔案出版社

北齊書

嶺南燕古堂
藏板
同治八年孟秋

北齊書目錄

隋太子通事舍人李百藥

本紀八卷

列傳四十二卷

共五十卷

帝紀

北齊書卷一

帝紀第一

神武上

北齊書卷二

帝紀第二

神武下

北齊書卷三

帝紀第三

文襄

北齊書卷四

帝紀第四

文宣

北齊書卷五

帝紀第五

廢帝

北齊書目錄

北齊書卷六

帝紀第六

孝昭

北齊書卷七

帝紀第七

武成

北齊書卷八

帝紀第八

後主

列傳

幼主

北齊書卷九

列傳第一

神武皇后

文宣皇后

武成皇后

胡后

北齊書卷十

列傳第二

高祖十一王

永安簡平王浚

平陽靖翼王淹

北齊書目錄

二

彭城景思王浹

上黨剛肅王渙

襄城景王清

任城王浩

高陽康穆王提

博陵文簡王濟

華山王凝

馮翊王潤

漢陽敬懷王洽

北齊書卷十一

列傳第三

文襄六王

河南康舒王孝瑜

廣寧王孝珩

河間王孝琬

蘭陵武王孝瓘

安德王延宗

漁陽王紹信

北齊書卷十二

列傳第四

文宣四王

太原王紹德

范陽王紹義

西河王紹仁

隴西王紹廉

孝昭六王

樂陵王百年

始平王彥德

城陽王彥基

定陽王彥康

汝陽王彥忠

汝南王彥理

北齊書目錄

三

武成十二王	
南陽王緯	琅邪王儼
齊安王廓	北平王貞
高平王仁英	淮南王仁光
西河王仁幾	樂平王仁邕
潁川王仁儉	安陽王仁雅
丹陽王仁直	東海王仁謙
北齊書卷十三	
列傳第五	
趙郡王琛	清河王岳
北齊書目錄	
四	
北齊書卷十四	
列傳第六	
廣平公盛	陽州公永樂
襄樂王顯國	上洛王思宗
平秦王歸彥	武興王普
長樂太守靈山	從兄伏護
北齊書卷十五	
列傳第七	
賁泰	尉景
賁昭	庫狄干
子敬	
孫士文	

韓軌	
北齊書卷十六	
列傳第八	
段榮	子韶
北齊書卷十七	
列傳第九	
斛律金	子光
北齊書卷十八	
列傳第十	
孫騰	高澄之
北齊書目錄	
五	
北齊書卷十九	
列傳第十一	
賀拔允	蔡儁
韓賢	尉長命
王懷	劉貴
任延敬	莫多婁貸文
高市貴	庫狄迴洛
庫狄盛	薛孤延
張保洛	侯莫陳相

北齊書卷二十

列傳第十二

張瓊

斛律羌舉

堯雄

宋顯

王則

慕容紹宗

薛循義

叱利平

步大汗薩

慕容儼

北齊書卷二十一

列傳第十三

高乾

弟昂

弟季式

北齊書目錄

六

北齊書卷二十二

列傳第十四

李元忠

盧文偉

李義深

北齊書卷二十三

列傳第十五

魏蘭根

崔陵

北齊書卷二十四

列傳第十六

孫奉

陳元康

杜弼

北齊書卷二十五

列傳第十七

張纂

張亮

張耀

趙起

徐遠

王峻

王紘

北齊書卷二十六

列傳第十八

薛琠

敬顯儻

北齊書目錄

七

平鑒

北齊書卷二十七

列傳第十九

万俟普

子洛

可朱渾元

劉豐

破六韓常

金祚

韋子粲

北齊書卷二十八

列傳第二十

元坦

元斌

元孝友

元暉業

元韶

元韶

北齊書卷二十九

列傳第二十一

李渾 子湛 渾弟繪 族子公緒

李瑱 弟瑾 族弟曉 鄭述祖 子元德

北齊書卷三十

列傳第二十二

崔暹 子達 暹 高德政

崔昂

北齊書卷三十一

北齊書目錄

八

列傳第二十三

王昕 弟瞻

北齊書卷三十二

列傳第二十四

陸法和 王琳

北齊書卷三十三

列傳第二十五

蕭明 蕭祗

蕭退 蕭放

徐之才

北齊書卷三十四

列傳第二十六 楊愔 燕子獻 宋欽道 鄭顥

北齊書卷三十五

列傳第二十七

裴讓之 弟讓之 肅之 皇甫和

李構 張宴之

陸印 王松年

劉祚

北齊書卷三十六

北齊書目錄

九

列傳第二十八

邢邵

北齊書卷三十七

列傳第二十九

魏收

北齊書卷三十八

列傳第三十

辛術 元文遙

趙彥深

北齊書卷三十九

列傳第三十一	崔季舒	祖珽
北齊書卷四十		
列傳第三十二	尉瑾	馮子琮
	赫連子悅	唐邕
	白建	
北齊書卷四十一		
列傳第三十三	暴顯	皮景和
	鮮于世榮	綦連猛
	元景安	獨孤永業
	傳伏	高保寧
北齊書卷四十二		
列傳第三十四	陽斐	盧潛
	崔劼	盧叔武
	陽休之	袁聿脩
北齊書卷四十三		
列傳第三十五		

北齊書目錄

十

李稚廉	封述
許倬	羊烈
源彪	
北齊書卷四十四	
列傳第三十六	儒林
	李鉉
	馮偉
	劉軌思
	邢峙
	馬敬德
	權會
	張雕
	石曜
北齊書卷四十五	
列傳第三十七	文苑
	祖鴻勳
	樊遜
	荀士遜
	李廣
	劉述
	張景仁
	張思伯
	孫靈暉
	刁柔
	張買奴
	鮑季詳
	劉晝

北齊書目錄

十一

顏之推袁爽 韋道遜 江旰 睦豫

北齊書卷四十六

列傳第三十八

循吏

張華原

宋世良弟世軌

耶基

孟業

崔伯謙

蘇瓊

房豹

路去病

北齊書卷四十七

列傳第三十九

北齊書目錄

十三

酷吏

邸珍

宋遊道

盧斐

畢義雲

北齊書卷四十八

列傳第四十

外戚

趙猛

婁叡

尔朱文暢

鄭仲禮

李祖昇

元蠻

胡長仁

北齊書卷四十九

列傳第四十一

方伎

由吾道榮

王春

信都芳

宋景業

許遵

吳遵世

趙輔和

皇甫玉

解法選

魏寧

綦母懷文

張子信

馬嗣明

北齊書目錄

十三

北齊書卷五十

列傳第四十二

恩倖

郭秀

和士開

穆提婆

高阿那肱

韓鳳

韓寶業

北齊書目錄

北齊書卷一

隋太子通事舍人李百藥撰

帝紀第一

神武上

齊高祖神武皇帝姓高名歡字賀六渾渤海蓆人也六世祖隱晉玄菟太守隱生慶慶生泰泰生湖三世仕慕容氏及慕容寶敗國亂湖率眾歸魏爲右將軍湖生四子第三子諡仕魏位至侍御史坐法徙居懷朔鎮諡生皇考樹性通率不事家業住居白道南數有赤光紫氣之異隣人以爲怪勸徙居以避之皇考曰安知非吉居

北齊書卷一 本紀一

二

之自若及神武生而皇妣韓氏祖養於同產姊壻鎮獄隊尉景家神武既累世北邊故習其俗遂同鮮卑長而深沈有大度輕財重士爲豪俠所宗目有精光長頭高顙齒白如玉少有人傑表家貧及聘武明皇后始有馬得給鎮爲隊主鎮將遼西段長常奇神武貌謂曰君有康濟才終不徒然便以子孫爲託及貴追贈長司空擢其子寧用之神武自隊主轉爲函使嘗乘驛過建興雲霧晝晦雷聲隨之半日乃絕若有神應者每行道路往來無風塵之色又嘗夢履眾星而行覺而內喜爲函使六年每至洛陽給令史麻祥使祥嘗以肉啗神武神武

性不立食坐而進之祥以爲慢已咎神武四十及自洛陽還傾產以結客親故怪問之答曰吾至洛陽宿衛羽林相率焚領軍張彝宅朝廷懼其亂而不問爲政若此事可知也財物豈可常守邪自是乃有澄清天下之志與懷朔省事雲中司馬子如及秀容人劉貴中山人賈顯智爲奔走之友懷朔戶曹史孫騰外兵史侯景亦相友結劉貴嘗得一白鷹與神武及尉景蔡儁子如賈顯智等獵於沃野見一赤兔每搏輒逸遂至迴澤澤中有茅屋將奔入有狗自屋中出噬之鷹兔俱死神武怒以鳴鏑射之狗斃屋中有二人出持神武襟甚急其母兩

北齊書卷一 本紀一

二

目盲曳杖呵其二子曰何故觸大家出囊中酒烹羊以飯客因自言善暗相逼捫諸人皆貴而指麾俱由神武又曰子如歷位顯智不善終飯竟出行數里還更訪之則本無人居乃向非人也由是諸人益加敬異孝昌元年柔玄鎮人杜洛周反於上谷神武乃與同志從之驅其行事私與尉景段榮蔡儁圖之不果而逃爲其騎所追文襄及魏永熙后皆幼武明后於牛上抱負之文襄屢落牛神武彎弓將射之以決去后呼榮求救賴榮遽下取之以免遂奔葛榮又亡歸余榮於秀容先是劉貴事榮盛言神武美至是始得見以樵悴故未之奇也

賈乃爲神武更衣復求見焉因隨榮之廢殿有惡馬榮命斬之神武乃不加羈絆而剪竟不蹄齧已而起曰御惡人亦如此馬矣榮遂坐神武於牀下屏左右而訪時事神武曰聞公有馬十二谷色別爲羣將此竟何用也榮曰但言爾意神武曰方今天子愚弱太后淫亂孽寵擅命朝政不行以明公雄武乘時奮發討鄭儼徐紇而清帝側霸業可舉鞭而成此賀六渾之意也榮大悅語自日中至夜半乃出自是每參軍謀後從榮徙據并州抵揚州邑人靡蒼鷹止團焦中每從外歸主人遙聞行響動地蒼鷹母數見團焦赤氣赫然屬天又蒼鷹嘗夜

北齊書卷一 本紀一

三

欲入有青衣人拔刀叱曰何故觸王言訖不見始以爲異密覘之唯見赤蛇蟠牀上乃益驚異因殺牛分肉厚以相奉蒼鷹母求以神武爲義子及得志以其宅爲第號爲南宅雖門巷開廣堂宇崇麗其本所住團焦以石室塗之留而不毀至文宣時遂爲宮既而榮以神武爲親信都督于時魏明帝銜鄭儼徐紇逼靈太后未敢制私使榮舉兵內向榮以神武爲前鋒至上黨明帝又私詔停之及帝暴崩榮遂入洛因將篡位神武諫恐不聽請鑄像卜之鑄不成乃止孝莊帝立以定策勳封銅鞮伯及余朱榮擊葛榮令神武喻下賊別稱王者七八後

與行臺于暉破羊侃于泰山尋與元天穆破邢杲于清南累遷第三鎮人會長常在榮帳內榮嘗問左右曰一口無我誰可主軍皆稱余朱兆曰此正可統三千騎以還堪代我主衆者唯賀六渾耳因誡兆曰爾非其匹終當爲其子穿鼻乃以神武爲晉州刺史於是大衆斂因劉貴貨榮下要人盡得其意時州庫角無故自鳴神武異之無幾而孝莊誅榮及余朱兆自晉陽將舉兵赴洛召神武神武使長史孫騰辭以絡屬汾胡欲反不可委去兆恨焉騰復命神武曰兆舉兵犯上此大賊也吾不能久事之自是始有圖兆計及兆入洛執莊帝以北神

北齊書卷一 本紀一

四

武聞之大驚又使孫騰僞賀兆因密覘孝莊所在將劫以舉義不果乃以書喻之言不宜執天子以受惡名於海內兆不納殺帝而與余朱世隆等立長廣王曄敗元建明封神武爲平陽郡公及費也頭紇豆陵步藩入秀容逼晉陽兆徵神武神武將往賀拔焉過兒請緩行以弊之神武乃往逗遛辭以河無橋不得渡步藩軍盛兆敗走初孝莊之孫余朱榮知其黨必有逆謀乃密敕步藩令襲其後步藩既敗兆等以兵勢日盛兆又請救於神武神武內圖兆復慮步藩後之難除乃與兆悉力破之藩死深德神武誓爲兄弟時世隆度律彥伯共執朝

政天光據關右兆據并州仲遠據東郡各擁兵爲暴天下苦之葛榮取流入并肆者二十餘萬爲契胡陵暴皆不聊生大小二十六反誅夷者半猶草竊不止兆患之問計於神武神武曰六鎮反殘不可盡殺宜選王素腹心者私使統焉若有犯者直罪其帥則所罪者寡兆曰善誰可行也賀拔允時在坐請神武神武拳殿之折其一齒曰生平天柱時奴輩伏處分如鷹犬今日天下安置在王而阿鞠泥敢誣下罔上請殺之兆以神武爲誠遂以委焉神武以兆醉恐醒後或致疑貳遂出宣言受委統州鎮兵可集汾東受令乃建牙陽曲川陳部分有

北齊書卷一 本紀一

五

款軍門者絳巾袍自稱梗楊驛子願廟左右訪之則以力聞常於并州市搃殺人者乃署爲親信都督兵士素惡兆而樂神武於是莫不皆至居無何又使劉貴請兆以并肆頻歲霜早降戶掘黃鼠而食之皆面無穀色徒汚人國土請令就食山東待溫飽而處分之兆從其議其長史慕容紹宗諫曰不可今四方擾擾人懷異望况高公雄略又握大兵將不可爲兆曰香火重誓何所慮也紹宗曰親兄弟尚爾難信何論香火時兆左右已受神武金因謂紹宗與神武舊有隙兆乃禁紹宗而催神武發神武乃自晉陽出滏口路逢介朱榮妻北鄉長公

主自洛陽來馬三百匹盡奪易之兆聞乃釋紹宗而問焉紹宗曰猶掌握中物也於是自追神武至襄垣會漳水暴長橋壞神武隔水拜曰所以借公主馬非有他故備山東盜耳王受公主言自來賜追今渡河而死不辭此眾便叛兆自陳無此意因輕馬渡與神武坐幕下陳謝遂授刀引頭使神武斫已神武大哭曰自天柱薨背賀六渾更何所仰願大家千萬歲以申力用今旁人構聞至此大家何忍復出此言兆投刀於地遂刑白馬而盟誓爲兄弟留宿夜飲尉景伏壯士欲執兆神武奮臂止之曰今殺之其黨必奔歸聚結兵饑馬瘦不可相支

北齊書卷一 本紀一

六

若英雄崛起則爲害滋甚不如且置之兆雖勁捷而兇狡無謀不足圖也且日兆歸營又召神武神武將上馬詣之孫騰牽衣乃止兆隔水肆罵馳還晉陽兆心腹念賢領降戶家果別爲營神武僞與之善觀其佩刀因取之以殺其從者從者盡散於是士眾咸悅倍願附從初魏真君內學者奏言上黨有天子氣云在壺關大王山武帝於是南巡以厭當之累石爲三封斬其北鳳凰山以毀其形後上黨人居晉陽者號上黨坊神武實居之及是行舍大王山六旬而進將出滏口倍加約束纖毫之物不聽侵犯將過夢地神武輒步牽馬遠近聞之皆

稱高儀同將兵整肅益歸心焉遂前行屯鄴求糧相州刺史劉誕不供有軍營相米神武自取之魏普泰元年二月神武軍大信都高乾封隆之開門以待遂據冀州是月余朱度律廢元舉而立節閔帝欲羈縻神武三月乃白節閔帝封神武爲渤海王徵使人覲神武辭四月癸巳又加授東道大行臺第一鎮人會長龐蒼鷹自太原來奔神武以爲行臺郎尋以爲安州刺史神武自向山東養士繕甲禁侵掠百姓歸心乃詐爲書言余朱兆將以六鎮人配契胡爲部曲眾皆愁怨又爲并州符徵兵討步落稽發萬人將遣之孫騰尉景爲請留五日

北齊書卷一 本紀一

七

如此者再神武親送之郊雪涕執別人皆號慟哭聲動地神武乃喻之曰與爾俱失鄉客義同一家不意在上乃爾徵召直向西已當死後軍期又當死配國人又當死奈何眾曰唯有反耳神武曰反是急計須推一人爲主眾願奉神武神武曰爾鄉里難制不見葛榮乎雖百萬眾無刑法終自灰滅今以吾爲主當與前異不得欺漢兒不得犯軍令生死任吾則可不爾不能爲取笑天下眾皆頓顙死生唯命神武曰若不得已明日椎牛饗士喻以討余朱之意封隆之進曰千載一時普天幸甚神武曰討賊大順也拯時大業也吾雖不武以死繼之

何敢讓焉六月庚子建義於信都尚未顯背余朱氏及李元忠與高乾平殷州斬余朱羽生首來謁神武撫膺曰今日反決矣乃以元忠爲殷州刺史是時兵威既振乃抗表罪狀余朱氏世隆等祕表不通八月余朱兆攻陷殷州李元忠來奔孫騰以爲朝廷隔絕不權立天子則眾望無所係十月壬寅奉章武王融子渤海太守朗爲皇帝年號中興是爲廢帝時度律仲遠軍次洛陽余朱兆會之神武用寶泰策縱反間度律仲遠不戰而還神武乃敗兆於廣阿十一月攻鄴相州刺史劉誕嬰城固守神武起土山爲地道往建大柱一時焚之城陷入

北齊書卷一 本紀一

八

地麻祥時爲湯陰令神武呼之曰麻都祥慙而逃永熙元年正月壬午拔鄴城據之廢帝進神武大丞相柱國大將軍太師是時青州建義大都督崔靈珍大都督耿翔皆遣使歸附行汾州軍事劉貴棄城來降閏三月余朱天光自長安兆自并州度律自洛陽仲遠自東郡同會鄴眾號二十萬夾洹水而軍節閔以長孫承業爲大行臺總督焉神武令封隆之守鄴自出頓紫陌時馬不滿二千步兵不至三萬眾寡不敵乃於韓陵爲圓陣連平曠以塞歸道於是將士皆有死志四面赴擊之余朱兆責神武以背已神武曰本戮力者共輔王室今帝何

在兆曰永安枉害天柱我報讐耳神武曰我昔日親聞天柱計汝在戶前立豈得言不反邪且以君殺臣何報之有今日義絕矣乃合戰大敗之介朱兆對慕容紹宗叩心曰不用公言以至於此將輕走紹宗反旗鳴角收聚散卒成軍容而西上高攀式以七騎追奔度野馬崗與兆遇高昂望之不見哭曰喪吾弟矣夜久季式覆血滿袖斛斯椿倍道先據河橋初普泰元年十月歲星焚咸鎮星太白聚於觜參色甚明太史占云當有王者興是時神武起於信都至是而破兆等四月斛斯椿執天光度律送洛陽長孫承業遣都督賈顯智張歡入洛陽

北齊書卷一 本紀一

九

執世隆彥伯斬之兆奔并州仲遠奔梁州遂死焉時凶黨既除朝廷慶悅初未戰之前月章武人張紹夜中忽被數騎將踰城至一大將軍前敕紹爲軍導向鄴云佐受命者除殘賊紹迴視之兵不測整疾無聲將至鄴乃放焉及戰之日介朱氏軍人見陣外士馬四合蓋神助也既而神武至洛陽廢節閤及中興主而立孝武孝武既即位授神武大丞相天柱大將軍太師世襲定州刺史增封并前十五萬戶神武辭天柱減戶五萬壬辰還鄴魏帝餞於乾脯山執手而別七月壬寅神武帥師北伐介朱兆封隆之言侍中斛斯椿賀拔勝賈顯智等往

事介朱普皆反噫今在京師寵任必構禍隙神武深以爲然乃歸天光度律於京師斬之遂自澄口入介朱兆大掠晉陽北保秀容并州平神武以晉陽四塞乃建大丞相府而定居焉介朱兆既至秀容分兵守險出入寇抄神武揚聲討之師出止者數四兆意怠神武揣其歲首當宴會遣賈泰以精騎馳之一日一夜行三百里神武以大軍繼之二年正月賈泰奄至介朱兆庭軍人因宴休慙忽見泰軍驚走追破之於赤洪嶺兆自縊神武親臨厚葬之慕容紹宗以介朱榮妻子及餘眾自保焉突城降神武以義故待之甚厚神武之入洛也介朱仲

北齊書卷一 本紀一

十

遠部下都督橋亭張子期自滑臺歸命神武以其助亂且數反覆皆斬之斛斯椿由是內不自安乃與南陽王寶炬及武衛將軍元毗魏光祿王思政構神武於魏帝舍人元士弼又奏神武受敕大不敬故魏帝心貳於賀拔岳初孝明之時洛下以兩拔相擊謠言曰銅拔打鐵拔元家世將末好事者以二拔謂拓拔賀拔言俱將衰敗之兆時司空高乾密啓神武言魏帝之貳神武封呈魏帝殺之又遣東徐州刺史潘紹業密敕長樂太守龐蒼鷹令殺其弟昂昂先聞其兄死以稍刺柱伏壯士執紹業於路得敕書於袍領來奔神武抱其首哭曰天子

脫有變詐事資經略但表啓未全背戾進討事涉忽忽遂召羣臣議其可否僉言假稱南伐內外戒嚴一則防黑獺不虞二則可威吳楚時魏帝將伐神武神武部署將帥慮疑故有此詔神武乃表曰荊州綰接蠻右密邇叢服關隴恃遠將有逆圖臣今潛勒兵馬三萬擬從河東而渡又遣恆州刺史庫狄干瀛州刺史郭瓊汾州刺史斛律金前武衛將軍彭樂擬兵四萬從其來違津渡遣領軍將軍婁昭相州刺史竇泰前瀛州刺史堯雄并州刺史高隆之擬兵五萬以討荊州遣冀州刺史尉景前冀州刺史高敖曹濟州刺史蔡儁前侍中封隆之擬

北齊書卷二 本紀二

二

山東兵七萬突騎五萬以征江左皆約所部伏聽處分魏帝知覺其變乃出神武表命羣官議之欲止神武諸軍神武乃集在州僚佐令其博議還以表聞仍以信誓自明忠款曰臣爲嬖佞所聞陛下一旦賜疑令猖狂之罪尔朱時計臣若不盡誠竭節敢言陛下則使身受天殃子孫殄絕陛下若垂信赤心使干戈不動佞臣二人願斟量廢出辛未帝復錄在京文武議意以答神武使舍人溫子昇草勅子昇遠巡未敢作帝據胡牀拔劍作色子昇乃爲勅曰前持心血遠以示王深冀彼此共相體悉而不良之徒坐生間貳近孫騰倉卒向彼致使

聞者疑有異謀故遣御史中尉蔡儁具申朕懷今得王啓言誓惡惻反覆思之猶所未解以朕躬身遇王武略不勞尺刃坐爲天子所謂生我者父母貴我者高王今若無事背王規相攻討則使身及子孫還如王誓皇天后土實聞此言近慮宇文爲亂賀拔勝應之故冀嚴欲與王俱爲聲援宇文今日使者相望觀其所爲更無異迹賀拔在南開拓邊境爲國立功念無可責君若欲分計何以爲辭東南不資爲日已久先朝已來置之度外今天下戶口減半未宜窮兵極武朕既闇昧不知佞人是誰可列其姓名令朕知也如聞庫狄干語王云本欲

北齊書卷二 本紀二

三

取懦弱者爲主王無事立此長君使其不可駕御今但作十五日行自可廢之更立餘者如此議論自是王開動人豈出佞臣之口去歲封隆之背叛今年孫騰逃走不罪不送誰不怪王騰旣爲禍始曾無愧懼王若事君盡誠何不斬送二首王雖啓圖西去而四道俱進或欲南度洛陽或欲東臨江左言之者猶應自怪聞之者寧能不疑王若守誠不貳晏然居北在此雖有百萬之眾終無圖彼之心王脫信邪棄義舉旗南指縱無匹馬隻輪猶欲奮空拳而爭死朕本寡德王已立之百姓無知或謂實可若爲他所圖則彰朕之惡假令還爲王殺幽

辱壘粉了無遺恨何者王既以德見推以義見舉一朝背德舍義便是過有所歸本望君臣一體若合符契不圖今日分疎到此古語云越人射我笑而道之吾兄射我泣而道之朕既親王情如兄弟所以投筆拊膺不覺歎歎初神武自京師將北以爲洛陽久經喪亂王氣衰盡雖有山河之固土地褊狹不如鄴請遷都魏帝曰高祖定鼎河洛爲永永之基經營制度至世宗乃畢王既功在社稷宜遵太和舊事神武奉詔至是復謀焉遣三千騎鎮建興益河東及濟州兵於白溝虜船不聽向洛諸州和羅粟運入鄴城魏帝又勅神武曰王若厭伏人

北齊書卷二 本紀二

四

情杜絕物議唯有歸河東之兵罷建興之成送相州之粟追濟州之軍令蔡儁受代使邸珍出徐止戈散馬各事家業脫須糧廩別遣轉輸則讒人結舌疑悔不生王高枕太原朕垂拱京洛終不舉足渡河以干戈相指王若馬首南向問鼎輕重朕雖無武欲止不能必爲社稷宗廟出萬死之策決在於王非朕能定爲山止簣相爲惜之魏帝時以任祥爲兼尚書左僕射加開府祥棄官走至河北據郡待神武魏帝乃勅文武官北來者任去留下詔罪狀神武爲北伐經營神武亦勒馬宣告曰孤遇尔朱擅權舉大義於四海奉戴主上義貫幽明橫爲

斛斯椿譏構以誠節爲逆首昔趙軌與晉陽之甲誅君側惡人今者南邁誅椿而已以高昂爲前鋒曰若用司空言豈有今日之舉司馬子如答神武曰日本欲立小者正爲此耳魏帝徵兵關右召賀拔勝赴行在所遣大行臺長孫承業大都督顯川王斌之斛斯椿共鎮武牢汝陽王暹鎮石濟行臺長孫子彥帥前恆農太守元洪略鎮陝西顯智率豫州刺史斛斯元壽伐蔡儁神武使寶泰與左廂大都督莫多婁寶文逆顯智韓賢逆暹元壽軍降寶文與顯智遇於長壽津顯智陰約降引軍退軍司元玄覺之馳還請益師魏帝遣大都督侯幾紹赴

北齊書卷二 本紀二

五

之戰於滑臺東顯智以軍降紹死之七月魏帝躬率大軍屯河橋神武至河北十餘里再遣口申誠款魏帝不報神武乃引軍渡河魏帝問計於羣臣或云南依賀拔勝或云西就關中或云守洛口死戰未決而元斌之與斛斯椿爭權不睦斌之棄椿徑還給帝云神武兵至即日魏帝遜於長安已酉神武入洛陽停於永寧寺八月甲寅召集百官謂曰爲臣奉主匡救危亂若處不諫爭出不陪隨緩則就寵爭榮急便逃竄臣節安在遂收開府儀同三司叱列延慶兼尚書左僕射辛雄兼吏部尚書崔孝芬都官尚書劉廋兼度支尚書楊機散騎常侍

元士弼並殺之誅其貳也士弼籍沒家口神武以萬機不可曠廢乃與百僚議以清河王亶爲大司馬居尚書下舍而承制決事焉王稱警蹕神武醜之神武尋至恆農逐西剋潼關執毛洪賓進軍長城龍門都督薛崇禮降神武退舍河東命行臺尚書長史薛瑜守潼關大都督庾伏溫守封陵於蒲津西岸築城守華州以薛紹宗爲刺史高昂行豫州事神武自發晉陽至此凡四十啓魏帝皆不答九月庚寅神武還於洛陽乃遣僧道榮奉表關中又不答乃集百僚四門耆老議所推立以爲自孝昌衰亂國統中絕神主靡依昭穆失序永安以孝文

北齊書卷二 本紀二

六

爲伯考承熙遷孝明於夾室葉喪祚短職此之由遂議立清河王世子善見議定白清河王王曰天子無父苟使兒立不惜餘生乃立之是爲孝靜帝魏於是始分爲二神武以孝武既西恐逼洛陽復在河外接近梁境如向晉陽形勢不能相接乃議遷鄭護軍祖榮贊焉詔下三日車駕便發戶四十萬狼狽就道神武留洛陽部分事畢還晉陽自是軍國政務皆歸相府先是童謠曰可憐青雀子飛來鄴城裏羽翮垂欲成化作鸚鵡子好事者竊言雀子謂魏帝清河王子鸚鵡謂神武也初孝昌中山胡劉蠡升自稱天子年號神嘉居雲陽谷西

土歲被其寇謂之胡荒二年正月西魏渭州刺史可朱渾道元擁眾內屬神武迎納之王戌神武襲擊劉蠡升大破之已已魏帝褒詔以神武爲相國假黃鉞劔履上殿入朝不趨神武固辭二月神武欲以女妻蠡升太子候其不設備辛酉潛師襲之其北部王斬蠡升首以送其眾復立其子南海王神武進擊之又獲南海王及其弟西海王北海王皇后公卿已下四百餘人胡魏五萬戶壬申神武朝于鄴四月神武請給遷人廩各有差九月甲寅神武以州郡縣官多乖法請出使問人疾苦三年正月甲子神武帥庾伏干等萬騎襲西魏夏州身不

北齊書卷二 本紀二

七

火食四日而至縛稍爲梯夜入其城禽其刺史費也頭斛拔俄彌突因而用之留都督張瓊以鎮守遷其部落五千戶以歸西魏靈州刺史曹泥與其婿涼州刺史劉豐遣使請內屬周文圍泥水灌其城不沒者四尺神武命阿至羅發騎三萬徑度靈州繞出西軍後獲馬五十匹西師乃退神武率騎迎泥豐生拔其遺戶五千以歸復泥官爵魏帝詔加神武九錫固讓乃止二月神武令阿至羅逼西魏秦州刺史建忠王万俟普撥神武以衆應之三月甲午普撥與其子太宰受洛于幽州刺史叱干寶樂右衛將軍破六韓常及督將三百餘人擁部來